

Die Tricks von dene Männer

Vor e paar Daach habb ich de Karl uff de Gass getroffe unn mir hawwe e bisje iwver alles möchliche geschwätzt. Uff oomol sacht de Karl: Was issen eichentlich mettem Schorsch los, der iss in letzder Zeit so komisch. Der hott iwverhaupt koon Mumm mehr, unn als ichen heit middach oogerufe hab, doo sacht er, dess gonze Lewe deten ookele.

Ja, habb ich gesacht, aach mir kimmt dess monchmol vor, als ob de Schorsch e Krise hätt. Waaßd du wasser hott?

Naa, sacht de Karl, awwer der hott in letzder Zeit mett soim Kättche alsemol efter Krach. Ihr Männer, iss dess eichentlich bei eich genauso? So gonz langsam werrd merr entmündicht. Merr kann mache was merr will, alles mächt merr falsch. Zieh ich e Hemd oo, sacht se: Dess Hemd – dess basst doch iwverhaupt nit zu deiner Hos. Unn was hosden ferr Strimp oo? Die Schuh hawwe aach nit die richdich Farb unn de Schlips erst – Mach derr nix draus, Schorsch, dess iss halt so. Guck emol, die Fraa kennt ihrn Haushalt, waaß wo die Dippe hie kumme unn wose die Fisch oigefrom hott. Sie kennt sich aus unn waaß aach, wie vill Hemde du host unn was ferr Farb die hawwe.

Jetzt gibt's joo zwaa Möchlicheide: Du kreischts mettere doorum, weilde doi männlich-Dasoï oogekratzt siehst odder du denkst, wennse dess alles so mache will, dann losse mache. Ich habb mich ferr des letztere entschiede, erstens stimmt dann alles unn zweitens kriehsde koon Krach. Mir Männer hawwe doch onnern Möchlichkeit, unser Sach dorchzeseetze.

Was moonsden doodemett?

Ei wie solle merr dess dann mache?

Gehorsam soi unn still, unn dann oomol so richdich auszefflibbe.

Wie sollen dess gehe? Mir kumme doch gar nimme fort. Noch nit emol e schwarz Partie derfe merr noch mache, nor dann wenn se mettgieht, dann isses doch koo schwarz Partie mehr.

Na, ich denk doo mehr on Kloonicheite. Also saache merr mol: Du willst emol ooner drinke gehe unn dess innerer Wertschaft, wo de sunst nit hiegehst unn sie will mett, wie konnsde der dess ausredde?

Iwverhaupt nit,

Gut, also nemmse mett unn bleib so long als möchlich sitze.

Die bleibt doch genau so long sitze.

Gut, unn dann sachtsde, ich bin mied, ich muss merr jetz e Taxi rufe.

E Taxi, werrd se dann kreische, waaßde was e Taxi kost?

Ei sicher waaß ich dess, awwer ich kann nimmi hoom laafe, ich muss jetz mettem Taxi fahrn. Unn dann rufsde, so dasses jeder in de Wertschaft heert: Herr Werrt, rufe Se mol e Taxi, awwer e bisje plötzlich.

Un wenn de Werrt dann sacht, ich habb jetz koo Zeit, dann rufsde: Dann gewwe Se merr mol die Nummer, ich ruf halt mett moim Händy oo. Unn wenn hier kooner doo iss, dann brauch ich die Nummer vonem Taxi in Fronkfort, ich will jetz mettem Taxi fahrn. Ich garantier derr, die geht mett dir nimmi in diese Wertschaft, sie sacht der : Doo konnsde ess nächsde Moll allons hiegeh.

Du musst nämlich wisse, ess gibt nix Schlimmeres ferr e Fraa, als wenn ihrn Monn sich blomiert, weilse dann noch mehr selbst blomiert iss. Unn was iss die Moral von der Geschicht?

So e Fraa moont immer wenn du e verkehrt Hemd ooziehst, dass dann sie blomiert iss so nooch dem Motte: So lässt die den erumlaafe!

Unn doodemett hawwe merr schunn so e paar Eichenheite von Monn unn Fraa festgestellt. Awwer es gibt joo aach noch onnere.

Ein Mann kann so alt werden wie er will: Wenn er eine schöne Frau sieht, dann denkt er sich was. Eine Frau kann so alt werden wie sie will: Wenn sie einen tollen Mann sieht, dann denkt sie sich was. Na und? – werden Sie sagen, dann sind sie ja quitt, oder?

Honnes, was hältst den von de nei Bedienung?

Was ferr Bedienung?

Die derr ewe doin Schoppe gebrocht hott?

Die habb ich noch gar nit geseh.

Ei dreh dich emol um, die iss grad driwwe om Disch.

Ach die – die iss doch schunn länger doo, odder nit?

Ich seh die heit zum ersde Mol, e sauwer Fraache, moonsde nit?

E sauwer Fraache, host recht, Karl, e wirklich sauwer Fraache. Iss die verheirat?

Irmgard, iss dess nit enn scheene Kerl, der neie Kellner?

Doch, Susanne, der sieht wirklich gut aus. Iss der schunn long hier?

Ich habben noch nit geseh, naa, der isse gewiss nei hier. Kellner?

Ja gnädige Frau?

Sind Sie schon lange hier?

Nein, ich bin nur Aushilfe, der Fernando, der sonst immer bedient, ist krank.

Ah ja, danke schön.

Hosde de Unnerschied gemerkt?

Naa, die Männer unn die Fraue sinn doch allminonner neigierich, was issen doo de Unnerschied?

Siehsde Karl, genau dess moon ich. Die Männer, egal wie alt se sinn, sinn immer neidisch uff den Monn von sooner scheene Fraa. Weil se sich immer vorstelle, wie dess iss, wenn die mett ihrn Monn sesomme iss. Die Fraue sinn nit neidisch uff die Fraa von dem Monn, weil se sich immer vorstelle, dass sies wärn, die mettem zesomme iss.

Merksde de Unnerschied? Die Männer hawwe Ängst vor de scheene Fraue unn die Fraue

Was guckst den alls doniwwer?

Ich guck merr halt imme noch schöne Fraue oo, derff ich dess nit?

Die unn schee, ich glaab du leidst onn Geschmacksverirrung, die unn schee – siehsde nit wie die sich bemolt hott?

Awwer sie hott en intressante Blick.

So, Blick – habbt derr eich schunn in die Aache geguckt?

Nor so e bisje.

Jetzt guck uff doin Teller unn verschlabber dich nit

Dann hebsde mol leicht doi Glas, wenn die Fraa doo driwwe grad nit guckt unn doi Fraa siehts joo nit, weil die joo mettem Ricke zu der sitzt, dann kriecht doi Fraa noch mehr Zorn: Wennde noch e bisje machst, steih ich uff unn geh fort, so enn ahle Bock guckt alls nooch so emm junge Weibsbild, schäm dich.

Wennde dann später mettere hoom kimmst gibt's zwaa Möchlicheite: Sie zieht e Schnut odder sie geht ins Bad unn molt sich aach oo, dann kimmte eriwwer in die Wohnstubb unn setzt sich ohne e Wort ze redde in ihrn Sessel. Jetzt derrsde koon Fehler mache: Du derrfst nit saache, gut siehde aus, Fraa. Na, du musst se ignoriern, dann steit se uff unn geht wortlos ins Bett, unn dann konnsde in Ruh doin Fußball gucke.

Oder im Umgang mit der Familie, vor allem mit den Kindern, die ja schon lange aus dem Haus sind und mit ihren Enkeln.

Schorsch, ich habb geheert, doi Tochter iss uff Besuch mett ihm Monn unn mett ihrne zwaa Kinner?

Ja, die sinn doo, mir hawwe vill Spass mett dene, es sinn goldische Kinner, enn Bub unne Mädchen.

Unn wo sinn se jetzt?

Ei die kumme gleich, mir wolle mol ins Taunus Wunderland fahrn.

Was iss die Moral von dere Geschichte? Männer unn Fraue basse nor on ooner Stell zesomme unn sonst nit.

Eiern Honnes